

Ro Ta Paulus Ibeede Pizin Tesalonika Ma Iwe Ru Pa

1 ¹Nio Paulus. Niamŋan Silas mi Timoti ambeede ro ti ima piom wal ki kar Tesalonika ta kesekap la ki Tamanda Anutu mi Merere Yesu Kriŋi, mi kombotmbot lela lupŋana ki Kriŋi na.^a

²Tamanda Anutu mi Merere Yesu Kriŋi ko tikampe yom, mi timboro yom ma kombot ambai. Ŋonoono.

Pataŋana ikamam zin Tesalonika. Tamen timender mbolŋana

³Niom toŋmatiziŋ tiam, mazwaana ta boozomen na, niam irao leleyam ambai pa Anutu mi ampakurkuri piom. Mi sombe amkam ta kembei, ina indeeŋe. Pa urlaŋana tiom ta izze ma izze. Mi mbulu ki lelende par piti ta kembena. Izze ma iŋgi be niom ta boozomen kombol pa.^b

⁴Unu tina ta amwidit uruyom lela lupŋana ta boozomen ki Anutu, mi amzzotartaara zin piom ta kembei: Pataŋana boozomen ikamam yom, mi tomtom tiseseeze motoyom. Tamen kemendernder mbolŋana, mi kikiskis urlaŋana tiom.^c

Anutu kola iur kadoono pizin tomtom ta tizorzooro uruunu ambaiŋana

⁵Ŋonoono, iŋgi niom kerre pataŋana pa peeze ki Anutu. Tamen mbulu tiom ta kemendernder mbolŋana, ina iswe ta kembei: Kaimer sombe Anutu itiiri zin tomtom mi iur kadoono pizin, na ni ko ikam mbulu ndeeŋeŋana piom mi ire yom kembei karao be kelela kar kini.^d ⁶Pa mbulu kini, ina indeeŋeŋe men. Tana zin wal ta tikamam pataŋana piom na, ni kola ikam pataŋana pizin tomini, beken a ipokot mbulu kizin.^e ⁷Mi niom ta kerre pataŋana i, na ni kola itatke pataŋana tana piom, mi ikam yom ma kombot ambai. Mi ko ikam ta kembei piam tomini. Merere Yesu ziŋan zin aŋela mbolŋan, sombe tizem saamba mi tisu ma tipet mat raama you bilbilŋana, to mbulu tana ipet.^f ⁸⁻⁹To zin wal

^a 1:1 Ŋgo 17:1 ^b 1:3 2Tes 2:13 ^c 1:4 2Kor 7:4,14; 1Tes 2:19 ^d 1:5 Pil 1:28

^e 1:6 Ro 12:19; Tur 18:6+ ^f 1:7 Mt 25:31; 1Tes 3:13, 4:16

tau tiute Anutu som, mi tizorzooro uruunu ambaijana ki Merere Yesu na, Anutu kola ipokot mbulu kizin, mi iur kadoono pizin ta kembei: Zin ko tirao be tila ki Merere, mi timbot su kereene uunu, mi tire azunja kini mburaanajana na som. Ko timbot ndel ma tisaana kat, mi timbotmbot ta kembei ma alok.^g ¹⁰Merere isombe imiili ma imar be ikam zaana biibi, to mbulu tana ipet. To wal kini potomjan ta tiurla kini na, ko tiwe kwoono, mi tipakuri mi tiwit uruunu pa uraata biibi mi ndabokjana ta ni ikam pizin na. Mi niom tomini ko kagaaba zin. Paso, indeeje ta amkam sua ki Merere piom na, kuurla.^h

Paulus bizin tisun pizin Tesalonika kan

¹¹⁻¹²Niam amkam ngar pa koron boozomen tana, tabe gorgori amzunzun Anutu kiti be ikam ma bobi kini iur nonono piom. Naso ire yom kembei karao be kakam mbotjana ta ni iboobo yom pai. Mi amzunzuni be ipombol yom pa itunu mburaana. Naso karao be kakam uraata ambaimbaijan boozomen ta leleyom pa be kakami, mi urlajana tiom ko ipiyotyoto ka mbulu. To kakam Merere kiti Yesu zaana ma iwe biibi, mi ni ko ipakur yom wal ta kesekap la kinii tomini, mi ikam yom ma kombot lela azunja kini leleene. Tana Anutu kiti ziru Merere Yesu Krisi ko tikampe yom ta kembei. Nonono.ⁱ

Tomtom Sananjana Nonono Tabe Izooro Kat Anutu I kola ipet mungu, mana Krisi imiili

2 ¹Niom tonmatizij tiam, ingi be amso sua pa miilijana ki Merere kiti Yesu Krisi, mi mazwaana tabe tiyogeege iti ma tala kini be itijan tombotmbot.^j ²Nonono, wal pakan sa ko tiso piom ta kembei: Nol ki Merere ta ipet kek. Tamen niom kumurur pa sua kizin tana pepe. Mi kakam ngar booza pa pepe. Sombe tiso sua kizin tana imar pa Bubujana, som tisoyaara sua ta kembei piom, som tiso niam ambeede ka sua ta kembei ise ro sa, na tonggo. Kuurla sua kizin pepe.^k ³Kokena tipakaam yom. Pa nol tana irao ipet sorok na som. Bela tomtom tikam zorojana biibi nonono pa Anutu mungu, mi Tomtom Sananjana Nonono Tabe Izooro Kat Anutu I ipet tomini. Ni tana kola ila lene kat ta kar sanaana.^l ⁴Pa ni ko iur koi pa Anutu. Mi koron boozomen ta tomtom tiwatwaata be Merere kizin mi tizunzun pizin na, ni ko ipakur itunu ma iso ilip pizin. Mi ko ilela Urum Merere leleene ma mbuleene su ta biibi muriini, mi iso ta kembei: “Nio ti, Anutu nonono.”^m ⁵Sua taingi, popojana piom som.

^g **1:8-9** Mt 25:41; Ro 2:8; Pil 3:19; 2Pe 3:7; Tur 20:15 ^h **1:10** Igo 1:11; Kol 3:4; 1Tes 3:13 ⁱ **1:11-12** Yo 17:10; Pil 1:27+, 2:13; Kol 1:9; 1Tes 1:2+ ^j **2:1** Mt 24:31; 1Tes 4:13+ ^k **2:2** Mt 24:4; Ep 5:6; 1Yo 4:1 ^l **2:3** Mk 13:22; 1Tim 4:1; 1Yo 2:18; Tur 19:20 ^m **2:4** Dan 7:25, 11:36; Mk 13:14; Tur 13:5+

Pa indeeje ta itiŋan tombotmbot na, aŋzzo yom pa. ⁶ Mi niom kuute: Mazwaana ti na, koron ta imbotmbot mi ipakalkaala zaala pa Tomtom Sananŋana Ŋonoono tana. Kokena ipet karau. Mi ko talala ma indeeje ka nol, to ni ipet.ⁿ ⁷ Pa mbulu ki zooronana ta iŋgi iwedet kek. Tamen ikamam ki keŋana men. Mi ko ikamam ta kembei ma irao Anutu itatke koron ta ipakalkaala zaala pa tomtom sananŋana tana, to ni ipet kat mat.^o ⁸ Tomtom Tabe Izooro Kat Anutu I, isombe ipet, to Merere Yesu ko imar raama azuŋka kini mburaanaŋana, mi ipasaani ma ila lene. Ko iwilaali men, mi mburaana imap.^p ⁹ Tomtom tana, Tomtom Sanaana ko ipombolmboli pa itunu mburaana. Tana ni ko ikam uraata bibip mi mos mburanŋan matakina bekana ipakaam zin tomtom pa.^q ¹⁰ Mi ko ikam pakaamŋana sananŋan matakina. Mi zin wal tabe tila leni, ko tikan la sua kini. Paso lenen pa sua ŋonoono som. Mi be lenen pa, so tikan la, mi Anutu ikamke zin ma timbot ambai. Tamen som.^r ¹¹ Tana Anutu ko izem zin mi ŋgar sananŋana izeebe zin, bekana tikan la pakaamŋana tana mi tiurla.^s ¹² Naso ni irao be ipamender zin mi iur kadoono pizin, mi timap ma tila len. Paso, tiurla sua ŋonoono som, mi lenen pa mbulu sananŋana ilip.^t

Anutu leleene iur pizin Tesalonika kan ta muŋgu kek be ikamke zin

¹³ Mi niom toŋmatizij tiam, Anutu leleene piom ilip. Tana mazwaana ta boozomen na, niam irao leleyam ambai pini mi ampakurkuri piom. Pa indeeje ta muŋgu kat na, ni leleene iur kek be ikam yom ma kuurla sua ŋonoono, mibe Bubunana ikam uraata piom mi itooro yom ma kewe potomjoyom. Naso ni ikamke yom ma kombot ambai.^u ¹⁴ Anutu iboobo yom pa koron tina paso, ni leleene be Merere kiti Yesu Krisi azuŋka kini iwe leyom tomini. Tanata iŋgo yam ma ama, mi amkam uruunu ambaiŋana piom.

Paulus ipombol zin Tesalonika kan mi isuŋ pizin

¹⁵ Tana niom toŋmatizij tiam, kemender mbolŋana. Mi sua boozomen ki Merere ta tikam mar tiam mi niam kadoono amkam ma tiom, tau amso pa kwoyam, som ambeede se ro na, kozo kikiskis mi koto.^v

¹⁶⁻¹⁷ Tamanda Anutu, ni leleene piti, mi ikampe iti pa koron tabe imbot ma aloki. Koron ambaiŋana tana, ta koozi tu'urur matanda pa mi ipombolmbol ti. Ni ziru Merere kiti Yesu Krisi ko tipotor leleyom, mi tipombol yom be kakam uraata mi sua ambaimbaiŋan matakina ta boozomen. Ŋonoono.^w

ⁿ 2:6 Tur 20:1+ ^o 2:7 1Yo 2:18, 4:3 ^p 2:8 Yesa 11:4; Dan 7:10; Tur 19:15,20

^q 2:9 Mt 24:24; Ep 2:2; Tur 13:11+ ^r 2:10 2Kor 2:15, 4:3 ^s 2:11 Mt 24:5,11; Mk 13:5;

Ro 1:24; 2Tim 4:4 ^t 2:12 Ro 1:32 ^u 2:13 Ep 1:4; 1Tes 5:9; 2Tes 1:3 ^v 2:15 2Tes 3:6

^w 2:16-17 1Tes 3:13; 1Pe 5:10

Zin Tesalonika be tisuj pa Paulus bizin

3 ¹Niom tojmatizij tiam, ingi be amposop sua tiam. Niam leleyam be kusuj Anutu be iuulu yam, mibe sua ki Merere irak karau ma irao pa lele ta boozomen, mibe tomtom tikilaala sua kini kembei sua ŋonoono. Naso tiurla mi timbeze pa sua tana kembei ta niom kakamam na. ²Mi kusuj pini be ikamke yam pizin wal sananjan naman. Pa tomtom ta boozomen tiurla zen.^x

³Merere ni itoto sua kini mbukjana. Tana iti irao tapase pini. Ni ko ipombol yom, mi iporoukaala yom pa Tomtom Sanaana.^y ⁴Mi ni ikam yam ma amurla kat ta kembei: Sua boozomen ta amur piom be koto, ta ingi kototoi. Mi kaimer tomini niom kola koto.^z

⁵Merere itunu ko ipei ngar tiom ma kikilaala kat ta kembei: Anutu, ni iur leleene piom. Mi ni ko ipombol yom ma kemender mboljana pa patajana kembei ta mungu Krisi ikam na.

Tomborende sorok pepe. Takam uraata

⁶Niom tojmatizij tiam, niam amkam sua mboljana piom pa Merere Yesu Krisi zaana ta kembei: Wal tiom ta so tikamam uraata som, mi timbombooren sorok, mi tizorzooro sua ta amkam piom na, niom kombot molo pizin.^a ⁷Pa niom kuute. Bela koto yam pa mbulu tiam. Kere. Indeeje ta itijan tombotmbot na, niam amboreyam sorok som.^b ⁸Mi amkan sorok kini ki tomtom sa na som. Amgimgiimi. Pa leleyam be amkam patajana piom som. Tana ambelmbel uraata biibi pa nomoyam ikot mberj ma aigule, bekana leyam pat be iuulu yam.^c ⁹ŋonoono, niam irao amur motoyam piom pa ulaaja pakan. Tamen amkam ta kembei som. Pa amsombe ampatoŋo yom pa mbulu ambaijana bekana kere mi koto.^d ¹⁰Mi indeeje ta itijan tombotmbot men na, amur tutu piom ta kembei: Tomtom ta so leleene be ikam uraata som, na irao ikan kini som.^e ¹¹Tamen ingi amlej kembei tomtom tiom pakan tikamam uraata som, mi timbombooren sorok. Mi tinono ruumu, mi tizeizei len sua kizin wal pakan.^f ¹²Wal ta kembei na, amkam sua mboljana pizin pa Merere Yesu Krisi zaana be tiur nin, mi naman iteege uraata. Naso kan kini.^g ¹³Mi niom tojmatizij tiam, niyom gesges pa mbulu ambaijana kamjana pepe.^h

¹⁴Sombe tomtom tiom tasa izooro pa sua ta ambeede se ro ti, na niom kerei pataaja, mi kombot molo pini. Naso itunu ikilaala mbulu kini mi ka

^x 3:2 ŋgo 28:24; Ro 10:16, 15:31 ^y 3:3 Yo 17:15; 1Kor 1:9, 10:13; 1Tes 5:24; 2Pe 2:9

^z 3:4 2Kor 7:16 ^a 3:6 Mt 18:17; Ro 16:17; 1Kor 5:11+; Tit 3:10; 2Yo 10 ^b 3:7 1Kor 4:16; 1Tes 1:6

^c 3:8 ŋgo 18:3; 2Kor 11:9; 1Tes 2:9 ^d 3:9 Lu 10:7; 1Kor 9:4; 1Tes 1:6 ^e 3:10 Un 3:19; 1Tes 4:11

^f 3:11 1Tim 5:13; 1Pe 4:15 ^g 3:12 Ep 4:28 ^h 3:13 Ga 6:9

mianj pa.ⁱ ¹⁵Tamen kerei kembei koyom koi pepe. Pa ni tonmatizij tiom.
Tana kosopei mi kapazali.^j

Sua pemetjana

¹⁶Merere, ni mbulu luumušana mi mbotjana ambaišana katuunu. Ni itunu ko imbot raama yom ta boozomen, mi ikam yom ma kombot ambai pa koronj ta munšana men, mi kombot la mbulu luumušana leleene pa mazwaana ta boozomen.^k

¹⁷Ingi nio Paulus itunj anbeede aigule tio ti ima piom. Bude tio ti iwe kilalan pa ro tio ta boozomen.

¹⁸Kampešana ki Merere kiti Yesu Krisi ko ise tiom ta boozomen.
Ŋonoono.^l

ⁱ 3:14 Mt 18:17; 1Kor 5:9+; Tit 3:10 ^j 3:15 Ga 6:1; 1Tes 5:14 ^k 3:16 1Tes 5:23

^l 3:18 1Kor 16:21